

善男子波羅奈國有七寶藏名曰儼佞性其國人民男女大小於七日中七月七年常以車乘象馬駝驢擔負持去亦不能盡若有至心受三歸齋是人所得功德果報出勝彼藏所有寶物善男子乾陀羅國有七寶藏名伊羅鉢多其國人民男女大小於七日中七月七年常以車乘象馬駝驢擔負持去亦不能盡

若有至心受三歸齋是人所得功德果報勝出彼藏所有寶物善男子若有從他三受三歸三受八戒是名得具一日一夜優婆塞齋明相出時是時則失是故不得佛像邊受要當從人根本清淨受已清淨莊嚴清淨覺觀清淨念心清淨求報清淨是名三歸清淨齋法善男子若能如是清淨歸依受八戒者除五逆罪餘一切罪悉皆消滅如是戒者不得一時二人並受何以故若一時中二人共受何因緣故一人毀犯一人堅持是戒力故後世生時不能造惡受已作罪復不求失若先

遣信欲刑戮人信遲未至其人尋後發心受齋當受齋時信至即殺雖後一時以戒力故不得殺罪若諸貴人常勑作惡若欲受齋先當勑語遮先諸惡乃得成就若先不遮輒便受齋者不名得齋欲受齋者先當宣令所屬國境我欲受齋凡是齋日悉斷諸惡罰戮之事若能如是清淨受持八戒齋者是人則得無量果報至無上樂彌勒出時百年受齋不如我世一日一夜何以故我時衆生具五濁故是故我爲鹿子母說善女若娑羅樹能受八戒是亦得受人天之樂至無上樂善男子是八戒齋即是莊嚴無上菩提之瓔珞也如是齋者既是易作而能獲得無量功德若有易作而不作者是名放逸善男子菩薩二種一者在家二者出家出家菩薩能教衆生淨八戒齋是不爲難在家之人教他清淨是乃爲難何以故在家之人多惡因緣所纏逮故

優婆塞戒經卷第五

勸八千

牘立要暇嘔吐上烏涕唾上音替
反桐杞下音詞埠阜上丁回反正
修音診之忍殯葬上公刃反迨青刺石上七
湯弓反筋在緣垂反塙德果橋墮下都械伐音
劣也誘音天捕精華見科縫補逢音羸瘦力梯
反亦反而羊毗紐女九戮六儻伎上羊反

反蟲所擲濯音廁初使澡音旱澁鹿
僻亦反攘却而羊毗紐女九戮六儻伎上羊反
迦反而羊

今若造惡業因是惡業獲得二世身心惡報
以是因緣身口意惡即是怨設三惡業不得惡報現在之惡亦不應作是三惡業現在
能生弊惡色等死時生悔以是因緣我受三
歸及八齋法遠離一切惡不善業智者當觀
戒有二種一者世戒二者第一義戒若不依

優婆塞戒經卷第六
勸九
北涼天竺三藏法師曇無識於姑藏譯
五戒品第二十二
善生言世尊何等之人得三歸依何等之人
不得三歸善男子若人信因信果信諦信有
得道如是之人則得三歸若人至心信不可

呂資

於三寶受戒是名世戒是戒不堅如彩色無
膠是故我先歸依三寶然後受戒若終身受
戒者不能破壞先諸惡業受三歸戒則能壞
之雖作大罪亦不失戒何以故戒力勢故如
有二人同共作罪一者受戒二不受戒已受

戒者犯則罪重不受戒者犯則罪輕何以故
毀佛語故罪有二種一者性重二者遮重是
二種罪復有輕重或有人能重罪作輕輕罪
作重如鷲掘魔受於世戒伊羅鉢龍受於義
戒鷲掘魔羅破於性重不得重罪伊羅鉢龍
壞於遮制而得重罪是故有人重罪作輕輕

罪作重是故不應以戒同故得果亦同世戒
亦有不殺不盜義戒亦有不殺不盜至不飲
酒亦復如是如是世戒根本不淨受已不淨
莊嚴不淨覺觀不淨念心不淨果報不淨故
不得名第一義戒唯名世戒是故我當受於
義戒善男子後世衆生身長八丈壽命滿足
八萬四千歲是時受戒復有於今惡世受戒
是二所得果報正等何以故三善根平等故
或有說言可得斷命處乃得戒者是義不然
何以故夫禁戒者悉於一切可殺不可殺中
得一切可殺不可殺者無量無邊戒之果報
亦復如是無量無邊

卷六

五

善男子一切施中施無怖畏最爲第一是故
我說五大施者即是五戒如是五戒能令衆
生離五怖畏是五種施易可修行自在無礙
不失財物然得無量無邊福德離是五施不
能獲得須陀洹果乃至得阿耨多羅三藐三
菩提

善男子若受戒已當知是人爲諸人天恭敬
守護得大名稱雖遭惡對心無愁惱衆生親
附樂來依止阿那邠坻長者之子雖爲八千
金錢受戒亦得無量功德果報善男子爲財
受戒尚得利益況有至心爲於解脫而當不
得善男子有五善法圍遶是戒常得增長如
恒河流何等爲五一者慈二者悲三者喜四
者忍五者信若人能破慳重邪見心無疑網
則具正念莊嚴清淨根本清淨離惡覺觀善
男子若人能遠五惡事者是名受戒遠離一
切身口意惡若有說言離五戒已度生死者
無有是處若善男子若人欲度生死大海應

當至心受持五戒是五戒中四於後世成無作戒唯愛難斷故不得成以是因緣婬欲纏綿應當至心慎無放逸

若有說言更有無量極重之法過去諸佛何緣不制而制於酒善男子因於飲酒慚愧心

壞於三惡道不生怖畏以是因緣則不能受

誣九

三

日

其餘四戒是故過去諸佛如來制不聽飲若有說言如來已說酒多過失何故不在五戒初說是義不然何以故如是酒戒名爲遮重

不名性重如來先制性重之戒後制遮重

善男子如來先說白黑月中各有三齋隨外道故諸外道輩常以此日供養諸天是故如

來說有三齋善男子如因帳窓帳勤不墮三齋之法亦復如是衆生若有發心受持終不墮於三惡道中

善男子有人若欲施時供養三寶時若坐禪時若修善時若讀經時供養父母時當先立制我若不作要自誅罰是人福德日夜增長

如恒河流

如是五戒有五種果一者無作果二者報果三者餘果四者作果五者解脫果若有具足受持五戒當知是人得是五果

若優婆塞常能出至寺廟僧坊到已親近諸比丘等既親近已諮詢法味既問法已當至

心聽聽已受持憶念不忘能分別義分別義已轉化衆生是名優婆塞自利利他若優婆塞不能學習如是所說輕慢比丘爲求過失而往聽法無信敬心奉事外道見其功德深信日月五星諸宿是優婆塞不名堅固如法住也若優婆塞雖不自作五惡之業教人作者是優婆塞非如法住若優婆塞先取他物許爲了事是優婆塞非如法住若優婆塞典知關津稅賣估物是優婆塞非如法住若優婆塞計價治病治已賣物是優婆塞非如法住若優婆塞違官私制非如法住若優婆塞自不作惡不教他作心不念惡名如法住若

優婆塞因客煩惱所起之罪作已不生慚愧
悔心非如法住若優婆塞爲身命故作諸惡
事非如法住若優婆塞雖得人身行於非法
不名爲人若得信心能作福德善修正念觀
一切法皆是無常無我我所於一切法心無
取著見一切法不得自在生滅苦空無有寂

尅九

四

五

靜人身難得雖得人身難具諸根雖具諸根
難得正見雖具正見難得信心雖得信心難
遇善友雖遇善友難聞正法雖聞正法難得
受持能如是觀是名人身

若人能觀欲界無常乃至非想非非想處皆
悉無常以是因緣不求三惡乃至非想非非

慈悲喜捨證四真諦善能觀察生老病死明
信善惡業之果報定知恩愛當有別離一切
衆生不得自在未得聖道生死力大一切世
樂常與苦俱雖復受之心不染著猶如寒月
求火自燃雖復爲之終不作惡修忍二施以
潤衆生深觀苦樂其性平等凡所發言言則
柔軟善化衆生令如法住遠離惡友心無放
逸飲酒博奕射獮之事悉不爲之是名以不
堅命易於堅命

善男子若得人身多饒財物兼得自在先應
供養父母師長和上耆舊持法之人供給遠
至初行之人疾病所須言則柔軟多有慚愧

尅九

五

想處如是觀已見三不堅以不堅身易於堅
身禮拜供養來迎去送自手施與親執福事
是名以不堅身易於堅身以不堅財易於堅
財能自食用亦以布施供給病瘦行路之人
供養沙門婆羅門等貧窮下賤是名以不堅
財易於堅財以不堅命易於堅命修於六念

不偏信敬有德一人見有賢聖持戒多聞能
以舍宅飲食卧具衣服病藥而供養之深信
僧中多有功德修習向道得須陀洹果乃至
能修向阿羅漢得阿羅漢果修金剛三昧電
光三昧觀如是已平等奉施如是施已得無
量福是故我於鹿子經中告鹿子母曰雖復

請佛及五百阿羅漢猶故不得名請僧福若能僧中施一像似極惡比丘猶得無量福德

果報何以故如是比丘雖是惡人無戒多聞不修善法亦能演說三種菩提有因有果亦不誹謗佛法僧寶執持如來無上勝旛正見無謬若供養僧即是供養佛僧三寶若觀佛

法功德微妙即是具足供養三寶若人施時不求果報即是供養無上菩提具足成就檀波羅蜜修菩提道能得未來無量功德亦能自利及利益他能修慈悲爲破他苦自捨己樂未得菩提心無憂悔雖聞菩提义遠難得而其內心初無退轉爲諸衆生無量世中受大苦惱亦不破耽樂如法行不求世樂樂處寂靜出家修道未得出家雖在家居如解脫人不作衆惡得三種戒戒戒定戒無漏戒善男子菩薩二種一者在家二者出家出家菩薩如法修行是不爲難在家菩薩如法修行是乃爲難何以故在家之人多惡因緣所纏

繞故

優婆塞戒經尸波羅蜜品第二十三

善生言世尊云何菩薩趣向菩提其心堅固善男子菩薩堅固具足四法一者受大苦時終不捨離如法之行二者得自在常修忍辱三者身處貧窮常樂施與四者盛壯之年

常樂出家若有菩薩具足四法趣向菩提其心堅固菩薩具足如是四法復作是念是菩提道初根本本地名之爲戒如是戒者亦名初地亦名導地亦名平地亦名等地亦名慈地亦名悲地亦名佛跡亦名一切功德根本亦名福田以是因緣智者應當受持不毀復次

莊九

六

智者又作是念戒有二果一諸天樂二菩提樂智者應當求菩提樂不求天樂若受戒已所不應作而故作之所不應思而故思惟懈怠懶墮樂於睡眠念惡覺觀邪命惡願是名汙戒若受戒已心生悔恨求人天樂多諸放逸不生憐愍是名汙戒若畏貧窮若爲恐怖

若爲失財若畏作役若爲身命若爲利養若爲愛心而受禁戒既受戒已心生疑惑是名汙戒善男子若人不樂久處生死深見過罪觀人天樂阿鼻獄苦平等無差憐愍衆生具足正念爲欲利益無量衆生使得成道爲具無上菩提道故爲如法行故受持是戒心不放逸能觀過去未來現在身口意業知輕知重凡所作事先當繫心修不放逸作已作時亦復如是修不放逸若先不知作已得罪若失念心亦得犯罪若客煩惱時轉起者亦得犯。罪若小放逸亦得犯罪是人常觀犯輕如重觀已生悔及慚愧心怖畏愁惱心不樂之至心懺悔既懺悔已心生歡喜慎護受持更不敢犯是名淨戒

善男子有智之人既受戒已當觀三事不作惡行一者自爲二者爲法三者爲法云何自爲我自證知此是惡事知作惡業得如是果知作善業得如是果所作惡業無有虛妄決

莊力

七

口

定還得諸惡之果所作善業亦無虛妄決定還得諸善之果若是二業無虛妄者我今云何而自欺誰以是因緣我受戒已不應毀犯當至心持是名自爲云何爲世有智者觀見世間之人有得清淨天耳天眼及他心智我若作惡是人必當見聞知我若見聞知我當云何不生慚愧而作惡耶復觀諸天具足無量福德神足天耳天眼具他心智遙能見聞雖近於人人不能見若我作惡如是等天當見聞知若是天等了了見我我當云何不生慚愧故作罪耶是名爲世云何爲法有智之人觀如來法清淨無染得現在利能令寂靜度於彼岸能作解脫不選時節我爲是法故受持戒我若不能先受小制云何能得受大制耶破小制已增五有苦若至心持增無上樂我受身來所以未得證解脫者實由不從過去無量諸佛如來受禁戒故我今受戒未來定當值遇恒河沙等諸佛世尊深觀是已

生大憐愍至心受戒受已堅持爲阿耨多羅三藐三菩提利益無量諸衆生故

善男子若在家若出家若三歸若八齋若五戒若具足若不具足若一日一夜若一時一念若盡形壽至心受持當知是人得大福德善男子若受戒已修三善業多聞布施修定修善供養三寶是則名爲莊嚴菩提若受戒已能讀如來十二部經是名無上大法之藏勤加精進欲得具足尸波羅蜜如是戒者今世受已後雖不受成無作戒

善男子有戒非波羅蜜有波羅蜜非戒有戒有波羅蜜有非戒非波羅蜜是戒非波羅蜜者所謂聲聞辟支佛戒是波羅蜜非是戒者所謂檀波羅蜜是戒是波羅蜜者如昔菩薩受瞿陀身時爲諸蟲獸及諸蟻子之所唼食身不傾動不生惡心亦如仙人爲衆生故十二年中青雀處頂不起不動非戒非波羅蜜者如世俗施

莊九

八

尹清

善男子菩薩摩訶薩住尸波羅蜜時所受衆苦誰能說之有人若受小小戒已少欲知足不能憐愍諸苦衆生當知是人不能具足尸波羅蜜若能修忍三昧智慧勤行精進樂於多聞當知是人則能增長尸波羅蜜莊嚴菩提證菩提果如是戒者無量衆善故無量果報故無量戒禁故以是因緣莊嚴菩提善男子菩薩摩訶薩既受戒已口不說惡耳不樂聞不樂說世亦不樂聞終不放心在惡覺觀不親惡友是故得名寂靜淨戒菩薩若見破戒惡人不生惡心爲設種種善巧方便而調伏之若不調伏當生憐愍不爲身命破戒捨戒食已先修慚愧之心不放逸心爲治身命如療惡瘡若入村落如刀刺林攝護諸根修習正念觀察可作及不可作不生放逸若人作福亦因於我若人作罪亦因於我是故我得大供養時不應生喜得衰若時不應生瞋得少供養應作是念我今信戒施聞智

慧如法住少故得如是微少供養是故我今不應生於愁苦之念我爲二事受他信施一者爲增他福二者爲增自善是故若得少物惡物不應生惱久住遲得輕罵已得爾時復當深自責其身是我宿罪非衆生過是故我今不應生惱若受戒已爲他作罪亦應說言

九

九

尹

如是所作實非是道何以故十二部經不說諸惡爲菩提道是故我今獲得雜報若能如是深觀察者當知是人則能具足尸波羅蜜善男子若有人能攝護諸根身四威儀不作諸惡能堪衆苦不作邪命當知是人則能具足尸波羅蜜若於輕重戒中等生怖畏雖遭惡時不犯小戒不令煩惱穢汙其心修習忍辱當知是人則能具足尸波羅蜜若離惡友令諸衆生遠惡邪見知恩報恩當知是人則能具足尸波羅蜜若爲善事不惜身命罷散自事營成他事見罵詈者不生惡心當知是人則能具足尸波羅蜜若見如來所開之處

如本持之護衆生命不惜財命乃至命終不犯小戒雖得微妙七珍之物心不生貪不爲報恩以善加人爲憐愍故受持禁戒既受持已善發大願願諸衆生悉得淨戒當知是人則能具足尸波羅蜜善男子菩薩二種一者在家二者出家出家菩薩具足尸波羅蜜是不爲難在家具足是乃爲難何以故在家之人多惡因緣所纏繞故

優婆塞戒經業品第二十四

善生言世尊諸佛如來未出世時菩薩摩訶薩以何爲戒善男子佛未出世是時無有三歸依戒唯有智人求善提道修十善法是十善法除佛無能分別說者過去佛說流轉至今無有漏失智者受行善男子衆生不能受持修習十善法者皆由過去不能親近諮詢承佛故善男子一切衆生皆有雜心雜心因緣有雜煩惱雜煩惱故造作雜業雜業因緣受於雜有雜有因緣受於雜身善男子一切衆

生得雜身已見於雜色見雜色已生惡思惟是惡思惟名爲無明無明因緣生於求心名之爲愛因愛所作名之爲業是業因緣獲得果報有智之人能破析之由內煩惱外有因緣則能繫縛修十善已則能解之是故如來初得阿耨多羅三藐三菩提時分別演說十

荅九

十

尹

善之法因十善故世間則有善行惡行善友惡友乃至解脫是故衆生應當至心分別體解十善之道若有風雲爲持大水阿脩羅宮大地大山餓鬼畜生地獄四天王處乃至他化自在天處悉因衆生十善道故轉輪聖王所有四輪金銀銅鐵七衆受戒求三菩提亦

失是十惡業道因緣故時節年歲星辰日月四大變異若人能觀如是事者當知是人能得解脫衆生皆由苦因緣故則生信心既得信心能觀善惡如是觀已修十善法意行十處故名十道

身三道者謂殺盜婬口四道者惡口妄語兩

舌無義語心三道者瞋恚邪見是十惡業悉是一切衆罪根本若諸衆生異界異有異生異色異命異名以是因緣應名無量不但有十如是十事三名爲業不名爲道身口七事亦業亦道是故名十是十業道自作他作自他共作從是而得善惡二果亦是衆生善惡

荅九

十一

尹

因緣是故智者尚不應念況身故作若人令衆生內外之物色之與命皆有增減是故智者應當具足修十善道若諸衆生少壯老時春秋冬夏所起煩惱各各別異小中大劫所起煩惱亦復如是各各別異衆生初修十善業時得無量命色香味具因貪瞋癡一切皆

失期者亦不得罪是故智者應修十善因是
十善衆生修已增長壽命及內外物煩惱因
緣故十惡業增煩惱因緣故十善業增
善男子是十業道一一事中各有三事一者
根本二者方便三者成已根本者若有他想
有衆生想若以疑心斷其命根若動身作相

或口說殺是名根本求刀磨利買毒作索是
名方便殺已手觸稱量捉持若自食噉若與
人食得物用度任意施與歡喜受樂無有慚
愧心不悔恨自讚其身生大憍慢是名成已
歡喜是他財有亦作他想若自往取若遣人
取若以疑心移置異處是名根本若壞垣牆

細語是名方便若事已竟遺以瓔珞共坐飲
食歡喜受樂無有慚愧心不悔恨自讚其身
生大憍慢是名成已若於大眾捨離本相若
於三時若二時中虛妄說之是名根本若於
先時次第莊嚴構言語端或受他語起往彼
說是名方便若事成已受取財物任意施與
歡喜受樂無有慚愧不生悔恨自讚其身生
大憍慢是名成已是妄語中雜有兩舌能壞
和合是名根本若說他過及餘惡事言和合
者必有不可若離壞者則有好事是名方便
和合既離受他財物任意施與歡喜受樂無
有慚愧不生悔恨自讚其身生大憍慢是名

成已

十一

甲

詰問計數置梯緣牆入舍求覓乃至手觸是
名方便若得物已貟擔藏避任意施與賣用
勿遺歡喜受樂無有慚愧心不悔恨自讚其
身生大憍慢是名成已若是婦女繫屬他人
起於他想若以疑心作非梵行是名根本若
遣使往若自相見若與信物若以手觸若輕

若教他已還受財物任意施與歡喜受樂無有慚愧不生悔恨自讚其身生大慳慢是名成已於他財物生貪欲得是名根本發煩惱心是名方便作已得財任意施與歡喜受樂復向餘說無有慚愧不生悔恨自讚其身生大慳慢是名成已若打罵人是名根本若捉杖石問其過罪是名方便打已生喜受取財物任意施與歡喜受樂無有慚愧不生悔恨自讚其身生大慳慢是名成已若誹謗業因果責諭賢聖之人是名根本若讀誦書寫信受邪書讚歎稱譽是名方便受已向他分別演說增其邪見受取財物任意施與歡喜受樂無有慚愧不生悔恨自讚其身生大慳慢是名成已或復有人於十業道一時作二妾語兩舌或一時三所謂妄語兩舌惡口又復有三所謂邪見惡口妄語如是說者即是無義是名爲四瞋之與貪不得一時其餘八事可得一時云何一時六處遣使自作二事一

尅九

十三

五

者姪他妻婦二者謂無業果先作期要一時得業是十惡業或得作色無無作色或有作色及無作色若無方便及成已者則得作色無無作色若有莊嚴及成已者則得作色及無作色是十業道有輕有重若殺父母及辟支佛偷三寶物於所生母及羅漢尼作非梵行妄語壞僧是名爲重

善男子是十業道各有三種一從貪生二從瞋生三從癡生若爲貪利故害命者是名從貪若殺怨家者是名從瞋殺父母者是名從癡劫盜他財亦復三種自爲已身妻子眷屬貪他財物而往劫奪是名從貪盜怨家物是名從瞋劫奪下姓是名從癡邪姪亦三若爲自樂行非梵行是名從貪姪怨眷屬是名從瞋於所生母作非梵行是名從癡妄語三種若爲財利自受快樂是名從貪爲壞怨故是名從瞋若畏他死是名從癡兩舌三種爲財利故是名從貪爲壞怨故是名從瞋破壞和

含邪見之衆是名從癡惡口三種爲財利故罵詈婦兒是名從貪故向怨家說所惡事是名從瞋說他往昔先人過罪是名從癡無義語亦三種若爲歡樂歌叫誼譁是名從貪爲勝他故歌叫誼譁是名從瞋爲增邪見歌叫誼譁是名從癡從貪生者是名爲妬從瞋生者是名爲恚從癡生者是名我見

修十善已一一事中得三解說是十惡業決定當得地獄果報或有餓鬼或有畜生餘果則得人中短命貧窮乏財婦不貞廉有所言說人不信受無有親厚常被誹謗耳初不聞善好之言能令外物四大衰微無有真實惡風暴雨爛臭敗壞土地不平無有七寶多有石沙荆棘惡刺時節轉變無有常定菓蓏少實味不具足若欲破壞如是等事應當至心修行十善是十善法三天下具或有戒攝或非戒攝比鬱單曰唯有四事地獄有五餓鬼畜生天中具十非戒所攝欲界六天無有方

卷九

十四

五

便唯有根本成已二事夫業道者一念中得如其殺者可殺俱死是則不得根本業果若作莊嚴事竟不成唯得方便不得根本作莊嚴已便得殺者得根本罪如其殺已不造成已無無作罪若殺者一念中死可殺者次後念死殺者不得根本業罪若遣使殺使得作罪口勑之者得作無作罪若惡口勑亦得作罪及無作罪若其殺已心善無記亦得作罪及無作罪

若有說言過去已滅未來未生現在無住云何名殺一念不殺微塵不壞若一不殺多亦不能云何言殺是義不然何以故雖復現在一念不殺能遮未來使不起故故得名殺以是義故不可以見一處無殺舉一切處悉便無殺有人刺手則便命歿或有截足而命全者頭則不爾刺截俱死若有作已得大罪者是名業道三業自得七業自他若無作者亦無無作或有說言身業三事有作無作口不

如是是義不然何以故若口無作無無作者
口勑殺已不應得罪是故口業亦應有作及
以無作心則不爾何以故賢聖之人不得罪
故何因緣故名作無作是業墮於三惡道故
生於人中壽命短故所有六入常受苦故餘
果相似根本正果或有相似或不相似受果

莊九

十五

尼淨

報時在活地獄黑繩地獄餓鬼畜生人中三
處受於餘果若於一人作殺莊嚴作莊嚴已
有二人死當知唯於本所爲人得作無作若
有說言色是無記命亦無記如是無記云何
殺已而得殺罪是義不然何以故如是身命
是善惡心器若壞是器遮於未來善惡心故
是故得罪若王勑殺侍臣稱善是王與臣罪
無差別猶亦如是若有垂終其命餘殘有一
念在若下刀殺是得殺罪若命已盡而下刀
者不得殺罪若先作意規欲過打然下手時
彼便命終不得殺罪若作毒藥與懷妊者若
破歌羅邏是人則得作無作罪若自刑者不

得殺罪何以故不起他想故無瞋恚心故非
他自因緣故或有說言若心在善不善無記
悉得殺罪猶如火毒雖復善心不善無記觸
食之者悉皆死者是義不然何以故世間有
人捉火不燒食毒不死非惡心殺亦復如是
不得殺罪如諸醫等或有說言婆藪仙人說
呪殺人殺羊祀天不得殺罪是義不然何以
故斷他命故癒因緣故若見人死心生歡喜
當知是人得成已罪見他殺已心生歡喜出
財賞之亦復如是若使他殺受使之人到已
更以種種苦毒而殺戮之口勑之者唯得作
罪受使之人兼得二罪作以無作若發惡心
奪取他物是人亦得作無作罪若數時取若
寄時取因市易取亦得偷罪若自不取不貪
不用教他令取是人亦得作無作罪若欲偷
金取時得銀出外識已還置本處是人不得
盜罪若欲偷金得已即念無常之想心生悔
恨欲還本主而復畏之設餘方便還所偷物

雖離本處不得偷罪奴僕財產先悉生意與主同共後生貪想輒取主物取已生疑而便藏避復思是物同共無異雖離本處不得偷罪若人行路爲賊所劫既至村落村主問言汝失何物我當償之若說過所失取他物者是得偷罪若有發心施他二衣受者取一云

〔莊九〕

〔十六〕

〔尹〕

不須二輒還留者是得偷罪若人發心欲以房舍卧具醫藥資生所須施一比丘未與之間更聞他方有大德來輒迴施之是得偷罪若取命過比丘財物誰邊得罪若羯磨已從羯磨僧得若未羯磨從十方僧得若臨終時隨所與處因之得罪若偷佛物從守塔人主

人邊作非梵行得邪姪罪若屬自身而作他想屬他之人而作自想亦名邪姪如是邪姪亦有輕重從重煩惱則得重罪從輕煩惱則得輕罪若有疑心若無疑心若見若聞若覺若知若問不問異本說者是名妾語若言不本見聞覺知亦是妾語不名具足若破相說

〔莊九〕

〔十七〕

無覆藏相是非妾語若異音說前人不解亦是妾語不名具足若顛倒語若發大聲不了了語若有所說前人不解亦是妾語不名具足兩舌惡口若壞前人不壞前人作已得罪無義語亦復如是如是七事亦道亦業其餘三事是業非道何以故自不行故妨於自他

得大罪故

或有說言一切微塵次第而住亦念念滅滅已無住若無住者尚無有作況有無作是義不然何以故世間之法有因有果無因無果如面水鏡則有像現離面無像作亦如是從身有作從是作法則出無作如面水鏡則有

像現譬如有人發惡心故則惡色現發善心故則善色現作以無作亦復如是若因善業得善妙色若因惡業得麁惡色作以無作亦復如是若以念念常滅無有作無作者如先所說燈河等喻雖念念滅以二諦故說作無作微塵雖復次第不住亦復不破世諦法也正以微塵次第得名父母羅漢其有殺者得無量罪父母羅漢及以他人陰界入等等無差別所以得罪以是福田報恩田故如說二字不得一時然此二字終不和合義不可說雖念念滅亦名妄語不破世諦猶如射箭雖念念滅因於身業微塵力故到不到處作以

無作亦復如是如躰獨樂雖念念滅因於身業微塵力故而能動轉作以無作亦復如是如旋火輪雖念念滅因於身業微塵力故火得圓而初發心異方便心異作時心異說時心異衆緣和合故得名爲作以作因緣生於無作如威儀異其心亦異不可得壞故名無

作從此作法得無作已心雖在善不善無記所作諸業無有漏失故名無作若身作善口作不善當知是人獲得雜果若身善業有作無作口不善業唯有有作無有無作當知是人唯得善果不得惡果是故經中說七種業有作無作如人重病要須衆藥和合治之若少一種則不能治何以故其病重故一切衆生亦復如是具諸惡故要須衆戒然後治之若少一戒則不能治

十八

優婆塞戒經卷第六

鴦掘下其月反燭煙二並字博奕下音竊獵魚反

廿九

娑子活反 誰譁上音喧下 邏賀數字殘音
慮約 反

若持若毀皆隨於心如來了了知諸法性是故制之若復有人因於善業思惟力故不造諸惡名如法戒若從他得名爲受戒若離受戒有功德者一切惡獸師子虎狼應得功德然實不得以是因緣受善戒者得無量福受惡戒者得無量罪是故經中說惡律儀一者

優婆塞戒經卷第七

勸十

北涼天竺三藏法師曇無讖於姑臧譯

業品下之餘

善男子衆生作罪凡有二種一者惡戒二者無戒惡戒之人雖殺一羊及不殺時常得殺罪何以故先發誓故無戒之人雖殺千口殺

曹子清

時得罪不殺不得何以故不發誓故是故一切善不善法心爲根本因根本故說諸比丘但有二種一者身犯二者口犯無心犯也如是戒者時不具足杖不具足則不得戒譬如鑽火有燧有力有乾糞草然後得火若少一事則不得火戒法亦爾如是戒者若得若捨

畜羊二者畜雞三者畜猪四者鈎魚五者網魚六者殺牛七者獄卒八畜驕狗九作張弶十作獮師十一呪龍十二殺人十三作賊十四兩舌十五以苦鞭靼枷鎖押額鐵釘燒炙加人國王大臣受寄抵謾不知恩者惡性惡心大惡村主典稅物者毀戒比丘心無慚愧如是之人皆無戒也雖復不名不善業道而得大罪何以故盡壽作故如是等事若不立誓不從人受則不成就如是惡戒四時中捨一者得二根時二者捨壽命時三者受善戒時四者斷欲結時或有說言如善戒具足惡戒亦爾是義不然何以故惡戒易得故一因